

The Electronic Manipulus florum
www.manipulusflorum.com

Natiuitas g
cum fontibus primis

Fratres, generationem istam quis
enarrabit? Angelus nunciat, uirtus
obumbrat, superuenit Spiritus;
uirgo credit,

uirgo parturit, uirgo permanet.
Quis non miretur?

Nascitur Verbum infans.

Ibi agnoscitur longitudo breuis, latitudo
angusta, altitudo subdita, profunditas
plana; ibi agnoscitur lux non lucens,
uerbum infans, aqua sitiens, panis
esuriens.

Bernardus super Cantica.

Fratres, generationem istam quis
enarrabit? Angelus nunciat, uirtus
obumbrat, superuenit Spiritus;

Virgo credit,

fide concipit uirgo,

parturit uirgo, manet uirgo:

quis non miretur?

Nascitur denique Altissimi Filius,

Deus de Deo genitus ante saecula;

nascitur Verbum infans:

quis vel satis miretur?

Bernardus Claraeuallensis, *Sermones in
uigilia natiuitatis Domini*, 1, 1 (SBO 4,
J. Leclercq, C.H. Talbot, H.M. Rochais
eds., p.198, ll.8-12).

Porro

ibi agnoscitur longitudo breuis, latitudo
angusta, altitudo subdita, profunditas
plana. Ibi agnoscitur lux non lucens,
uerbum infans, aqua sitiens, panis
esuriens.

Bernardus Claraeuallensis, *Homiliae
super "Missus est"*, 2, 9 (SBO 4, J.
Leclercq, C.H. Talbot, H.M. Rochais
eds., p.27, ll.3-5).